

燕石集卷第十四

碑誌

從仕郎翰林國史院檢閱官姜君墓碣銘

有序

君姓姜氏諱天麟國祥其字先世傳自隴徙長沙寔居之曾大



父必政大父應期咸戢景沒世考時可勤儉樂施里閭善之贈
從仕郎秦州成紀縣尹妣谷氏賀氏並贈宜人君賀出也生之
年為至元戊子天曆二年四月廿又八日卒官京師明照里得
年四十二其秋從母弟揚端狀君行實懇予曰內兄與君同科
甲且交最厚善今物故銘墓石者宜莫君若敢請予義不得辭
遂叙次之君幼歲資警拔端秀成紀君誨之略不假貸每期其

興宗未成童成紀君棄世且屬西宜人以教君為務君即服膺先訓勉就外傳稍長惟學由靜成也徑去登南嶽晚霞峯讀書五年不歸家弱冠走京師方求見鉅人元夫請益以卒業復惴惴貽去親遠遊憂獲辜名教輒南還時詔舉德行明經科迺屏斥世故痛自刻厲講肄嶽麓精舍久之二妣繼不幸終喪復入京至治二年故相東平忠獻王以君嘗遊其門堂帖下曾學補內舍生明年中大都鄉舉又明年為泰定改元禮部貢舉廷對賜同進士出身授將仕郎翰林國史院檢閱官預修英廟實錄史館屬首待制官下迄典籍凡六等檢閱官次在五故事僚案才屬時望者被學士院薦奏不計資級以次進居上列曰迺陞

或移文銓曹再給告身易階官仍舊職曰勤留四年君將滿秩法應得七品恒念亟被郵典則少報罔極會學士院勤苗章抵天官遂改從仕郎復任檢閱官數月封贈命下喜曰鄉叨科名第華吾身今寵賁考妣庶慰祿不逮養之萬一矣重以近代尚焚黃展省禮蚤夜嬰念慮不頃步置以官守竟不暇命端代行每惋惜不舍娶唐氏封宜人亦能相其夫子者子男三瑜瑾謹敏如嚮學理尚幼女一在室以年月日塋君于某州某縣某村某山之原嗚乎予固未始識君及同登進士第後聯預史屬甫諳其為人性嚴整雅潔愛交遊飲酒尚氣後人遇一言合即歆與之終身少不直意則棄去不復顧見闡禱懦緩者噤不一談

仕翰林製撰寡無可事者獨以才畧自許其恒言曰朝家設科取士之抱負所學貴其用世殆非止札翰詞藻而已當挺自致于曹局有司簿書期會力踐華顯暴著儒效願可為人迂邪噫察君之言俾壽與才稱如敬歷幸願其事功果何如哉予故哀而銘之銘曰士秉淑靈毓才經德用舍繫天庸心則惑赫：府怨置散奚慚天實命之我咏我堪嗟若姜君質表元爽仕品登七亦既優獎奮欲行已直情毅然天莫予逆抑志弗宣惟昔問學凝于孤苦持循先訓靡輟寒暑力不鹵莽天忱報慶賞及親有子書詩江潭之源載崇惟隴地善日協胤裔承寵植石孔堅用鐫我辭不誣式者監茲

太中大夫陝西諸道行御史臺治書侍御史仇公墓誌銘有序

至順三年春太中大夫陝西諸道行御史臺治書侍御史仇公稱疾自免僑滄之長蘆鎮冬十一月廿又八日竟以疽發背薨明年春子朴格護柩來歸將以某月日祔塋大都宛平縣夏莊先塋狀世次行事道公治命泣拜屬筆銘墓石子不文哀存歿義諾之公諱濬字公哲上世家臨潢徙京兆今為燕人金蘭州司法忠源為高祖明威將軍福為曾祖皇贈集賢直學士亞中大夫輕車都尉南陽郡侯德明之孫奉議大夫福建閩海道肅政廉訪副使贈嘉議大夫禮部尚書上輕車都尉南陽郡侯鏐之第三子至元十八年生長安幼喪母適世父銳尹蒲城縣留

撫育之既而侍尚書公閔中還讀書淮浙大德四年尚書薨孤
苦無依賴然卓有樹立志會舅氏故中書參知政事郝公拜戶
部尚書挈還京師十一年武宗即位太保曲出引見便殿有旨
侍仁宗說書東宮至大二年授將仕佐郎資國院照磨辟禮部
令史轉掾集賢院延祐間遷沒仕郎大都護府照磨用為中書
左司掾郝公薨棄後理喪塋事至治元年進承務郎太廟署令
英宗親享太室百工執事惟謹公密通薦裸進退稱旨改禮部
主事泰定元年以奉直大夫拜監察御史先是他御史劾中書
參政楊某贓狀得旨將訊詰宰相款道其罪奏命省臺宗正雜
治公抗疏曰御史臺職專糾劾今宰相欲變亂祖宗法不可誓
以死請竟泛臺鞠杖免有貴幸嘗納伶婦為側室適奉旨充太
廟時享獻官公監祭即朝堂誓齋所斥其不潔不可事祠祀代
去河東鹽運使吳某盜用官物事覺公驛往案問奏罷之二年
河決雨水百姓流殍疏請會集元老大臣講求致災之由殫災
之道會地震蝗旱災異逾甚公及一二同列毅然上封事謂地
陰當靜今動得非執政有失調燮乎又兵亦陰象得非掌樞機
之臣軍政有所不修乎宜修實效答天戒俱不報章三上陳缺
政併言御史大夫禿忽都姦邪不忠曩附阿宰相曲庇參政楊
某自隳紀綱不勝重任移文上都分臺事聞大夫罷宰相不悅
激天子怒行幸還將織羅罪名逮補治書侍御史苗某治書侍

御史蔡某等繫詔獄置對公等上印授待罪於家衆懼禍不測
公泰然以處獄久始釋置公等不問其他前後論列如也先帖
木耳在樞密日嘗受賕今不當知經筵事太子詹事輔導之職
今不當用宦者某為之姦臣帖木迭兒罪惡無狀先朝已籍沒
今不當回給貲產浙西廉訪使王結篤學廉直為一御史挾私
妄論今當伸雪處士吳炳史約等當召赴館閣內外官文行優
者參政八辰張昇等二十餘人省行當任風紀拾遺補闕稱職
一時久之起為宣徽院經歷四年升奉政大夫戶部員外郎明
年進朝散大夫吏部郎中天曆改元庶政更始御史臺奏除僉
燕南河北道肅政廉訪司事未上改中憲大夫禮部郎中明年

遷右司員外郎旋改刑部侍郎進塔亞中閣月授中政院判官
內批階官中大夫以獎之至順元年復除江北淮東道肅政廉
訪副使再遷吏部侍郎皆不允命參議樞密二年拜西臺命至
則承荐飢之餘方務綏輯而公不可留矣公性沉亮雅潔涉獵
經史通吏術期待甚重審思慮恒自周防不妄然諾才裕而稱
位可尚也夫享年五十二歲祖妣王妣郝娶劉俱封南陽郡夫
人子男二朴國子生及格也女二長女晉陵張碩次幼銘曰我
驥孔馴我璧孔珍彼蹶與瑕烏虜奈何我駿我白何害于昔憾
固可以釋銘告營魄尚安此玄宅

國子生杜儉墓誌銘 有序

泰定四年秋先兄正獻公時為禮部郎中訪翰林編修孟道源語次見少年貌哲身欣然磬折入斂容揖正獻目其詳緩慎重問孟君曰生誰氏曰中書東曹掾杜弘道子也歸以語襲明日告故禮部員外郎王景荀曰為我語弘道吾長女子年將笄歎與為婚姻家弘道喜諾天曆二年醮禮成生子閏郎寧皆及基天至元年春生以力學致疾七月十五日戊午歿年二十五以是月二十三日丙寅塋保定興縣先塋之次生資通敏明坦自兒時沉静寡默不妄戲笑不喜飲酒嗜讀書年十七以胄子入國子學晝夜且誦且綴文時國子生以年及二十五乃積分得貢試年及而生歿矣故公卿大夫縉紳師友莫不惋

惜初國子生員漢人朝官七品以上之子聽補二百人而他有奉旨以允民廁其間或言其非國子中書令禮部詳定弘道方為其部郎中同舍生或歎生曰吾輩以公卿子弟入學今他入者衆盍白而父泛其言生曰功名有定分吾輩讀書而操心如是不可且吾父素嚴毅不敢以公事請同舍色沮烏虜即是可灼生不死他日筮仕無躁進念明矣生慈孝純愨居家日與里巷浮薄子弟絕不相識僮婢小有過未嘗怒詈捶撻元統二年冬正獻薨子幼生治喪紀凡五晝夜不寢息事賴以集生既病兩閱月子寧夭父海懼生傷悼生則慰父母曰兒病敢以哭子加重貽大人憂乎彼瘍子也大人亦不必傷病革父母問所欲

言生曰兒何言兒何言但不幸爾然兒嘗質衣于人得鈔若干
市書數卷今存篋中幸贖以歸蓋初婚時正獻所賜也生名儉
字景裕生于皇慶壬子二月二日曾祖某贈某官祖某贈某官
父今為中書左司員外郎正獻則集賢直學士國子祭酒諱本
字誠夫也左司由翰苑進掾中書歷位華顯樂易豈弟不與物
忤生之歿也衆咸深疑父子皆非獲罪造物者故痛惜之或謂
正獻不滿生名欲更之者左司曰南齊王仲寶唐：茂素裴守
約皆名庸何害今竟不壽豈識耶予哀正獻妻生之志不終述
衆人之疑所以且惜者為生銘之曰天子其後秀而不畀以壽
且再奪其後是為無窮之悼

贈鳳翔知府牛公神道碑銘

有序

至元二年冬長安牛景衡致書于予曰先父說仕大德延祐間
以材幹謹敏積官三品援國制應封贈二代嘗請于朝曾大父
順贈中順大夫鳳翔府知府上騎都尉追封隴西郡伯大父大
用贈亞中大夫僉中政院事輕車都尉追封隴西郡侯上世皆
塋高陵以其年月日改卜長安縣金光門小郭村之原以鳳翔
府君為新兆初祖方將謁大人碩儒文潛德劄諸石樹之神道
以彰于世未遂而先父歿矣景衡不肖敢不卒成先志哉君嘗
職太史敢致事狀以請按公諱順字某資孝友有畧局系傳出
唐相僧孺後世為開中高陵人屬兵燹之餘先世諱字爵行皆

逸金季喪亂公挈家避亂關東冒鋒鏑歷艱險夜竄匿岩壑晝
採拾供養父母竟不罹于患皇元革命息兵關中甫定扶老携
幼還鄉里改籍長安廼葺田廬務耕織訓頑惰治荒歲勤課業
厚衣食節財用戒佚遊家業日裕養親主致篤樂于教子不肯
祿仕終身年八十有奇某年月日卒于通義坊居第正寢配閔
氏追封隴西郡君子男一郎大用孝慈姍睦有父風孫男七敬
義訖溫敏惠讓敬承諸王教某處長官義陝西鹽轉運司庫副
說嘉議大夫奉元路總管致仕溫雲南大理宣慰司都事惠芝
仕郎秦州判官敏讓孝弟恬默克家不仕孫女二適劉瑞張某
曾孫男九元德克柔景權景衡從古弘毅永安楊奴楊驢曾孫

女十二俱媿名族噫即公治家觀之願豈不可用世者壯則時
危不可仕時平而公老矣今其子孫蕃衍列任版雍睦同饗為
關中楷範則公之所以種德立教者又從可知於為政也何有
是應銘：曰稽古草昧乘時取貴征討謀畫馳驅餽餽畱凶事
危悼仁傷義 家不養心體劬微瘁倖萬一珪組名位人爵之寵
天道迺忌粵盛德者志不在是天幸免死務本為計養親修己
力田享利獻羔醜 優游卒歲孝慈忠厚冠昏喪祭規撫長遠
禮節密緻用基作室後嗣是視鄉里善人耆艾昌熾子賢孫顯
瓜瓞承繼積厚發弘影響報施帝制官封國恩汪濊彼勞生榮
公則逸致全身亂邦起家盛世為家令祖誕有所遺創始之業

勤儉是自雲初仰止毋或覆墜

奉元路總管致仕牛公神道碑銘 有序

世固有負碩厚博大之器處混一盛時為天子命吏能有所云為不以疵類少戩躋致敬歷貴顯其才足以用世而猶未大摠其蘊以歿者予於奉元路總管牛公有是憾焉公諱詵字晉卿資簡重通敏有幹局幼業吏由東監轉運司幕官久積資歷選掾陝西行省大德七年授從仕郎尹華州華陰縣中書辟掾東曹十一年陞承仕郎上都留守司都事轉承直郎河東山西道宣慰司都事丁內艱服除延祐二年仁廟遣使者分十道宣撫天下公預選奏為其肅道首領官還朝改戶部主事遷奉訓

大夫大都留守司事至治二年起朝列大夫出為其肅行省郎中天子重民事慎擇司牧詔中外舉堪任守令者公被薦拜亞中大夫延安路總管居五歲上疏告老進嘉議大夫奉元路總管致仕國家政治天下仕以吏進者多然它途皆迂入掾中書始官華要又在朝百執事操履事為少有可指摘則補外為左遷今撮公所居官凡八政自受辟中書六處幕職任皆繁重未守延安位三品貴顯願豈齷齪滯固乏才請者所宜至而公歷居之可謂曰能矣乎其佐幕則所至平易懇切折衷衆議卒歸于正不忤物不阿媚利己尹郡則尚寬簡務教養旌貞孝訟田宅者諭化之皆引去相讓可謂善于其職者由是沂探公未嘗以

疵類少彙蹟能有所云為而誠負碩厚博大之器矣然猶有所未大據其用世之才也公系出唐相僧孺之後世為關中高陵人國初占籍長安祖順以公貴贈中順大夫鳳翔府知府上騎都尉追封隴西郡伯考大用贈亞中大夫僉中政院事輕車都尉追封隴西郡侯皆恩樸仁厚戢景弗耀祖妣關氏隴西郡君妣李氏隴西郡夫人配劉氏封同其姑子男二景樞蚤卒景衡國子上舍生女一適奉直大夫監察御史柴肅孫墜兒公生以其年元統二年正月六日卒于長安通義坊居第享年七十一歲其年二月十二日塋長安縣金光門小郭村之原鳳翔府君之穆至元二年冬景衡以事狀走京師介肅乞銘其神道予以

不文辭不獲迺演絳其梗槩為之銘曰士奮于時屬時有為孰不效忠慎密之資法令是師猗嗟牛公割裁設施順理協宜克建事功剛不乖睽柔不詭隨佐幕雍容贊畫勿稽不怒而嬉材敏且通與郡西陞越五周恭博哉民庸教育無綏勸貸賑饑易凶為豐吏畏不欺耄倪懷思靡有痕恫齒髮告哀引年知幾據蘊未窮笑言熙々身康神怡福備而終體魄之歸安固于斯馬鬣其封德業不隳視我銘詩用告臣工

西潭謝君墓碣銘 有序

灃陽謝君貴卿既塋之廿又九年為後至元庚辰其中子璿來荆請曰先子歿已及世墓道未有碣銘由璿容京久是以緩先

雖不試于仕其才使之仕寧後人其卒不任命也夫君向職
太史敢謹上事狀請銘請益廬且哀遂諾至元十四年江南初
降下元帥忽不剌以兵臨澧陽淮安忠武王族子某別將騎三
百由松滋來會昏暮失道憧々阡陌間莫知所之君携酒饌勞
問別將疑不受廼大言曰公毋他慮某請送至軍中酒罷君持
火前導夜半與火軍遇元帥方恠騎失期使卒緣道呼騎亦呼
以應卒見火白元帥元帥喜出迎別將與俱入元帥詰所從來
別將引君見曰全吾軍者此人也元帥益喜以國字書及羽箭
授君為賞典微俾持詣京師授官君不敢元帥多之元貞二年
郡大旱縣民朱長五聚黨柵岩險為亂出肆焚蕩剽掠無畏忌
吏捕輒被害衆奔還投君乃不敢犯監郡塞甫丁率兵至順林
驛召君問計曰賊與民雜處今欲縱兵恐殃及無辜聞賊畏君
可往說降之否則君能自取可不煩吾兵授戎械俾自召募君
感憤率家僮及里中頑逆者直入賊穴悉衆與戰禽長五及黨
與餘皆降郡欲援著令賞以一官君不自居其功且以野人不
能官為辭郡強之不聽朝廷嘗行履畝法郡欲盡稅荒田君言
澧為道要衝曩嘗被兵民今淮漫業凋弊不能治田故多蕪歲
且官兵頻歲擊五溪六詔日南林邑諸郡餽餉造舟澧民居多
良田且不暇耕矧墾荒乎諸郡被兵者役繁且優免吾郡獨不
當然乎廼投牒列訴郡是君言荒田遂不稅君既不仕敦奉力

田賞用寢饒作石橋三日漣溪順林雁田獨岑河當驛道未橋而君疾捐穀萬石屬諸子曰必成之既成璽書賜名通濟民歌之曰水齧我足謝君出粟伐石為橋我行逍遙及迎師教鄉里子弟歲水旱疾疫輒施予貧病有喪者嗚呼最君行事其所以趨事應變除害利民可遂睹也殆有協于勞而不伐積而能散之道歟君諱安富以所居號西潭資雄毅通敏能自樹立大父而上逸其諱考文彬妣江氏以宋端平甲午年六月三日生至大四年十二月二十八日卒享年七十有八娶黃氏繼盧氏子男四人璧早卒琰某官璿某官琪某官女 人壻某某孫男七某某皇慶元年正月某日塋于澧陽縣順林驛之黃屯銘曰謝浚申伯光奕葉之人世遠淪譜謀行為矯亢非任俠辭避官賞豈萎恭戎伍鄉導殊不懼賊巢馳突勇不怯荒田無稅口便捷石梁孔道利病涉我詩其善賁馬鬣黃屯之阡永熠燁

定軒先生張君墓碣銘 有序

澧屬邑安鄉士子張毅持其邑大夫前進士易漢懋所述考定軒先生行實走荆南介臨功李君英踵門拜泣曰毅不元先子塋已久墓道未有銘敢以是請按狀君諱疾遷子敏其字上世經喪亂弗可譜其先處江漢間諱宗政者為五世祖仕宋末以武功授保義郎知安鄉縣事駐兵邑之西渡家孱陵里遂占籍邑中君幼聰悟能卓立生十三年天兵下江南湖北諸郡妄自

駭思君蒙犯難險奉親避兵天門山會父喪山中弟某方幼君
展轉護柩歸寔故里喪葬如禮制少不以顛沛損廬舍燬蕩芻
勉葺理 還定安集式慰母心遂力田厚生讀書以養德事親
教子涪湛里社若將終身者或勸之仕曰名教中自有樂地竟
不出季父痴崖公嘗病篤君薦粥藥侍之左右無方後喜謂人
曰我疾之愈醫師之良姪子之力也女弟適緡林鄭敬仲闔門
遘疫疾親友懼相染莫有視者君惕然曰同井猶相扶持矧同
氣乎奮往省療不顧雖竟不能救仍治其喪擇師教孤子俾有
成姻親家有親喪葬既卜日矣其子惑術子之論聞君有吉地
欲兩易其兆君直畀之不少怙又姻黨孤子女年及笄君教養
具資裝嫁遣之鄰里貧病無告賑施不責報人皆難之嗚呼君
之德不既厚矣乎備孝友睦婣任卹之行於成周大司徒教民
之法蓋合云是可銘也考諱良孫妣秦氏君生于宋景定壬戌
卒於我朝後至元三年丁丑壽七十有六比歿訓飭子孫索所
歛棺裳眎之曰三日後當與汝曹訣至期果逝其明了又如此
明年戊寅某月日葬于中興路石首縣東山之陽配比干氏合
祔宋進士畊道次女貞懿柔淑宜士人妻子男四長郎毅長教
澧之溪東書院次某某皆蚤世次教為郡庠師亦先君卒女二
王佐金鼎孫壻也孫男五女四銘曰嗟哉張君德備行醇生不
逢辰沒齒于鄉里之善人昭々不泯猶幸其子之有傳

吉水州監稅謝君墓碣銘 有序

澧陽逸士謝西潭有子四人曰烏江長官璧順元鎮撫琰知平
江州璿其季即君諱琪字君璋資明達疏敏有幹局大德間順
元蠻作亂朝命行省調兵擊討後湖北諸郡民饑師黃平府有
司計租畝第轉輸糧數多寡西潭戶應輸為石者一百遣烏江
督丁夫代行禮去大軍三千餘里道路舟湍瀨而陸巖谷篳簹
艱危險巖大暑疫癘方作死者什八九枕藉于道君慮辭情嘯
嘒即以糧如教授君輸之過烏江于辰陽盡糶其糧以轉裝
歸軍食既給且私有贏利數倍其應變類是西潭老不預家政
皆委于君西潭卒烏江繼亡子幼順元平江仕于外君家素號
郡中多田諸房公賦徭役金穀出納歲時冠昏殯屑之務悉
賴君以理周致咸有法度內外無間言尤好賓客暇日則奕碁
投壺置酒食為笑樂尤能憂人之憂周急拯危難施貧民病者
藥死者棺槨西潭遺命作石橋泝河利行人君輔諸兄力成之
是謂家之能子矣初西潭交故湖廣行省辨章靜小程公最善
嘗遣君往謁程奇君應對欲用為從事以未得命西潭辭程不
能強嘉其孝遣之歸播州楊公薦為軍民長官亦以侍親不就
大德辛丑歲大飢出粟若干斛以濟授江州路平準庫副延祐
初改吉水州監稅皆不赴魯大父思武大父文彬宋民兵統制
父即西潭君諱安富君生於至元辛巳卒以延祐己未得年三

十有九配吳氏後君一月歿合塋于澧陽縣順林之原去祖妣
江氏墓百步子一人庭實能自樹立今官漢陽之馬影湖孫男
二基塾尚幼既塋之廿又三年為至正改元庭實持事狀請銘
遂銘之曰在易卦蠱曰子幹父承考之吉善繼用譽一家之政
施于孝友豈必居位為政可取侃々謝君克協斯道名宦不急
惟養是顧惜材弗施仍嗇于壽上天孔昭克昌厥後

鄉貢進士翰林書寫揚君墓誌銘

中間年月恐有誤

至正元年四月掣由陝西行臺都事遷翰林待制中書命下翰
林遣書寫揚君惟肖持璽書驛召掣于山南閏五月癸卯戒途
六月己酉病暈卒于安陽彰德路總管王侯仲方哀之帥其屬

藁殯城下七月丙子朔訃至澧君二弟惟紹惟善不敢遽告其
母父知之命惟善來山南問卒故明年夏遣惟紹護柩南歸因
遂走京師致書及狀元乞銘其墓嗚呼不文其忍辭銘哉君生
有異兆資穎悟幼工屬對六七歲誦諸經不忘即能賦詩稍長
補郡學弟子員月朝十五升堂會講進退揖讓有度發明詳盡
衆賞其超拔弱冠師蜀儒呂仁叔治春秋讀書不釋卷夜分方
寢家務妨奪則輦願嘆怨泰定三年遊京師從故翰林直學士
文安謝公學易文安於君為中表丈館于家日與之論議君聰
敏卓朗且接賢士大夫多學益恢拓龐肆奎章虞公伯生中丞
馬文貞公我先兄祭酒正獻公俱憐其才薦諸朝不報至順三年

以寓士就試上都名中第二癸酉會試京師適文安考文君自
陳避親嫌不試停三年君念親老未獲祿養廼以善楷書試補
翰林書寫中高等官制書寫歷三考始官七品時科目暫輟君
將有所待比復賓興而君卒矣惜哉君居家孝友慈厚易有遇
事通敏先卒一年文安公薨于位子措幼君經理喪紀咸盡其
道請于上官得告舟其喪歷涉艱嶮歸定于鄂士論多之適權
臣當國予倫位臺諫君貽書數百言以忠謹見責觀其行其氣
若是豈後人哉初至元二年君暫歸省已廼挈家北上侍婢溺
死彭城舟中旋至京妻魏以壽難殂衆因問其否于前而期其
享于後也君卒時適大暑奉命南邁將遂過澧觀省且就試秋
闈武昌迤三驛不以疾少緩過鎮陽病愈熾渡漳水委頓至安
陽城北門下馬憇道側氣絕安陽民以使者旅死紛紜來視將
數百人會城土半摧狀若巘觀者駭愕震蕩巨擊嵬磊墮墮壓
死者二人壓而不死目損者一人股折者一人噫是何氣之蓋
而值之者暴也君字與似生於大德壬寅卒年四十世為蜀遂
寧青石縣九節鄉人先世避兵難出蜀再徙澧陽之新安遂家
焉曾祖某宋某官妣龐氏祖考震卿宋鄉貢進士祖妣丁氏父
幼學隱于仕母宋氏妻魏也子一人勛國子外舍生以年月日
葬君於某鄉某原先塋之次君來京師有詩文百餘篇余裒輯
傳之餘皆逸銘曰嗟揚君志不展賢能興備俊選學行懿年命

斗生有死疇克免唯之人憾不淺殞道路親在遠子違養孰免
既賴有弟輜車遣窀穸安固時日善文若名流廣衍死固傷生可
言語若翁淚莫滋勛世學後將顯

桐鄉其公墓碣銘有序

進義副尉澧州監稅桐鄉其天麒以其考梅山居士塋有日走
書京師致里士韓天祥狀丐文其墓銘按狀居士諱茂源字泉
甫邑之蒲材人考澤之妣程氏歿繼程氏居士配王氏甄氏子
男四人霖早世天麒以輸粟再調今官。天麒女三人妻吳
某陶某戎某孫男應龍某。曾孫男三造某。居士生宋寶祐
戊午至正壬午九月廿有九日卒享年八十有五王氏先卒廿

有二年享年六十有五以其年月日合塋于其邑白雲岩西倉基
山之原銘曰帝元弔伐武南國趙山將燼假喘息北淮南江兵
難棘流播萬死生僅一桐為舒邑當其阨伊人轉徙困頓易代
來歸年甫廿孤惲業農卓自植畊食去織衣去勤勵飭天性儉
樸不躁迫孝奉繼母怡顏色善化里黨弭訟閱攝鄉三老別淑
慝逋復賦集蕪歲闢都鄙新造事業最劇政理繫賴左右力居
家冲約睦宗戚凶歲發廩損厥直遠道輦負仍給食高年康寧
恒肅容冠衣期集娛暇日程督僮奴事藝穡孫子詩書紛有秩
伏臘羔酒樂孔碩起家之祖理所必憂勤于始老則供考終厥
命固寔安易著餘慶由善積我詩衍之琢貞石後昆構播蔭可席

河內李氏新塋碑銘

中順大夫江西湖東道肅政廉訪使李君守仁以予昔僉山南
憲事有同寮之好致書一通俾其子本持先世行實拜請曰吾
大父暨吾考塋覃懷城東故市地卑弗稱改卜兆域襄事將樹
石新塋以彰潛德敢蘄子文予以契誼不得固辭按狀君大父
諱承祖字繼先生金泰和乙丑世為河南大家居銛器市其先
塋洛陽舊城東二里許瀕伊洛有良田若干畝第宅園圃印肆
之業畢具金叔世兵亂族屬流亡大父播在草野晝匿夜出采
拾以代食邂逅寇掠鄰死者數大兵南渡轉客河內河南平定
還視故里焚毀殆盡田宅入勢家度不能復有乃返河內時土

曠人稀固可厚植恒產而大父猶豫者猶心于洛也久而始占
籍覃懷定居授田數十畝躬勤儉率下耕作輸公稅粗給衣食
仍訪得族子若孫三人上黨挈還周致俾之成家大父敦篤仁
厚鄉里尊敬前至元二十九年卒壽八十有八以守仁貴贈亞
中大夫懷慶路總管輕車都尉追封隴西郡侯配王氏繼汪氏
壽亦八十並追封隴西郡夫人子男一人諱德字德甫是為守
仁之考以子貴累贈嘉議大夫禮部尚書上輕車都尉追封隴
西郡侯女五妻劉某韓某樂某楊某者王出也妻田某者汪出
也孫男一即守仁曾孫男二本御史臺察院書吏朴浙東海右
道宣慰司照磨玄孫男四士潛士濬國子生士渙士淵就傳肆

業女二幼在室禮部資爽朗磊落美風儀質直簡重不忘戲笑
弱冠治生家致殷阜製物尚堅朴不喜華麗儉素自奉待賓客
必豐裕民某氏嘗從貸錢數千緡後貧不能償毀券以貫里民
上甲貧粥幼子公家十餘年撫養成立甲死其妻無依公歸其
子以養家奴陳興持錢若干遠服賈遂免不還公 公畧不追
訪稚耄凍餒者矜恤屢至丁壯行丐則斥之民有訟或嘗求直
輒開曉以理慚服而退其賢而好義蓋出天性生於我朝辛亥
以至治三年癸亥配里氏卒于泰定甲子累封隴西郡夫人
俱得年七十有三河內縣某村某原為新營大父而下某年月
日逆昭穆葬禮也初大父刻意教子孫妣汪氏亦訓之曰語有

之家無讀書子官逆何處來大父曰吾聞積善之家必有餘慶
吾家奕世清白未嘗有為不善者吾值罹艱厄河南北甯定勤
苦成立若等能習儒向善後豈無昌大者耶克繼其志延致郡
名士五子有誘掖訓誨故憲使君讀書為學究法律練政事卓
然樹立由郡曹薦吏山東憲司貢補察院辟掾御史臺中書省
贊幕漢中燕南兩道肅政廉訪司拜陝西行臺御史就遷為其
臺都事擢僉湖南憲司召拜內臺監察御史中書省選為右司
都事超兵部郎中御史臺復奏奪為都事歷山南浙西淮西三
道憲副今為江西憲使最君筮仕迄今所居官一為宰任一為
兵曹自餘歷風紀之司者內外臺八道廉訪司雖清慎積階致

然不曰祖禰培植之厚教督之嚴能若是乎故君子于改紀兆石未嘗頃刻外于念慮亦孝矣哉嗚呼使大父無河南之難洛陽之田宅不廢後昆未必如此其盛且大父母期待君何敢必其顯達徵諸古今天人之理否泰消長之機不少乖也是應銘銘曰國有屯否景運斯興家道盛衰亦曰迭乘時古時今岸谷谷陵蕩折離居生之是承倚嗟大父履危凌兢燎原幾熄紹于燈之禮部繼之焰熾以增允矣孫子仕版載升喬嶽之崇鷲翰之騰揚名顯親孫子之能吉寔維安體魄依憑天人理微千載可徵

奉元路總管致仕之公神道碑

是篇絕筆

公諱如玉字璋甫宋太師潞國公彥博之後五世祖以仕入蜀家順慶之南充縣曾伯祖而下由科第仕者七人理宗端平三年丙申闔族避天兵南下君考某獨不去隱居生二子其長讀書力學個儻有用世志試吏擢掾蜀憲以事至京師上書謁某官王某薦于故丞相順德忠獻王王器之未及用薨公還補四川行省宣使右丞廉安道重其材請改為掾至大間書滿授承務郎陝西行省都事省臺交稱其能留之在職凡六年陞奉議大夫雲南行省郎中擢朝列大夫四川行省理問官平章囊加解剛戾以公不善迎合擯拓細故言于朝置不問遷湖廣行省郎中未赴囊加解阻命弄兵擢為叙南宣撫使稱疾不行責其

遷延願望公卒不起事定朝論避之進中順大夫順慶路總管
時榮其典鄉郡以比漢朱買臣築亭于故里扁曰處鄉以示微
意視事後僦居城北屏僕從杜私謁興學教士禁賭博汰侈靡
化民易俗月餘豪猾斂避皂隸蠹政者稍徙去為他業南充闕
令西臺御史張弘道時主岳池縣簿公察其人幹敏可用舉攝
令決滯獄五十餘事囹圄遂空貧死者無所于歸往々寘骸骨
僧舍巖穴間命弘道度地瘞之里俗上元伐柏構燈樹歲數千
株小民急迫每盜斫墓中本公悉禁止不敢犯敬神愛民歲不
饑創二亭于東山者曰大觀果山者曰紫雲與士大夫登覽今
為勝槩四年始代去年未七袞致其仕遂授今官謂所知曰吾

願足矣平居教子姪書不去手歲時偕親友遊眺飲奕自娛以
終天年至正二年二月十六日薨于正寢其生之年則至元丁
卯享年七十六歲祖考某贈中順大夫廣安府知府上騎都尉
追封雁門郡伯考贈亞中大夫慶元路總管輕車都尉追封雁
門郡侯祖妣某氏封雁門郡君妣某氏封雁門郡夫人公前配
楊氏繼夾谷氏俱封同其姑子男一人允中揚出也廕某官女
孫二長適喬克誠次幼以其年三月某日祔塋于某之先塋六
年春允中來官介雲南道元帥述律存道持里士馮百藥狀以
予職在太史泣拜請銘其墓道義不得辭今槩觀公行事豈庸
人哉在陝慕也妖僧作亂奉先屬邑省臺聚議計無所出公意

氣閒暇操簡牘布置行遣馳報朝廷檄郡縣募丁壯據守要害移文省臺大臣率兵出鳳翔蓋屋分道討捕尋生禽之戮首惡罪餘黨銘辭逸釋呈誤者公之功居多初城中驛吏恃勢頑黠公嚴條治之使者始獲餼膳供張之奉關隴大侵公往賑恤有術務活貧乏富者不得冒給在雲南建言烏撒屯兵不利宜州縣犬牙割之勢分權削可無後虞事聞命省臺樞府及公雜議衆是公言未報戮餘果叛屯兵千人盡沒咸服先見諸侯王之禪孟夏出畋于霑益州省憲祖餞于郊王飲公酒因言曰天子以王仁愛命鎮撫邊陲今二麥將登遊獵非時王曰業已出胡不蚤言之然當嚴令約束不使有所擾翌日罷獵而還賜金酒觥以賞之丞相亦耳吉尼恣橫不法公數諫止不聽由是怨之百計中傷竟莫能加害移文中書誣以專擅廟堂直公奏調理問以解避嗚呼以公之才之氣儒行吏業倚以治民何有不可哉顧用之未大故功施于世也淺而復傷亦尼之沮殆命也夫所居仙門鄉相對有碕峰頂石如冕者世稱石官人山遂以石山為號公薨石亦崩焉其文賦歌詩號石山集者凡若干卷藏千家銘曰

燕石集卷第十四終

燕石集卷第十五

行狀

故集賢直學士太中大夫經筵官兼國子祭酒宋公行狀
曾祖逸其諱

祖珪贈中順大夫秘書太監輕車都尉追封范陽郡侯

父楨忠翊校尉衡州路安仁縣尹兼勸農事贈嘉議大夫

戶部尚書上輕車都尉追封范陽郡侯

公諱本字誠夫初諱克信世燕人至元十八年辛巳生大都為
美坊二十年戶部公出為杭州東南隅錄事判官公受句讀于
杭士石厓何天麟即聰悟可意二十六年戶部公遷歸州興山

縣主簿公隨侍之官縣荒僻民頑陋僅百戶無師友公閉戶讀書學皆自得大德三年戶部公秩滿出寓武昌貧不能謁選五年改江陵路平準行用庫提領須次未上公始終其間聚徒獲束修以養六年侍戶部公赴官平準俸薄公聚徒養親如武昌時兼教其弟息州都監克敏及裝傳性命義理之學於慎獨先生王奎文昌甫以俊秀子弟補江陵路儒學弟子員學業精熟才器通敏為憲使陵川郝采麟文徵所知將擢為憲掾會慶公不能求知他人遂輟薦或勸從事學宮階是獲職教一縣公亦不答十一年戶部公薨豪殯江陵母范陽夫人年且老戶部公歷仕南土雖二十餘年小心謹畏家素乏蓄積公至是孤益貧

苦殆無以衣食喪祭哀戚之餘教童子七八十人講授紛尚親理米盞雜務苦心力學不以寒暑晝夜作輟當食亦置書其傍披覽研究不覺七箸之及口飯羹數冷溫而復進始得終餐夜分乃寐幾廢寢食至大二年故易水何公瑋仲韞平章河南行省經理屯田至江陵公聞何賢且故太子贊善靜修劉先生之友上書請見何才之憐其貧親未歸葬謂郡守嘉趙郁文御口瑋不才備位大臣素志求賢報國茲行得郡二三人今復得宋乃貧若是汝盍資之奉父喪挈家易水上讀吾所蓄書共諸子學然後薦而用之盛德事也趙諾而助遣之三年服除單騎北上至南陽聞何薨公曰吾所以行者將謀葬與養為存沒計

爾今所依者亡吾孟浪將安之復歸江陵教授不輟貧益不自
振處之益安學益富而德譽日益隆矣皇慶元年憲使李或從
周熟公才請薦為河北河南道肅政廉訪司掌書客汴久不樂
去省母時仁廟詔以科舉取士公曰朝廷待士如此吾志決矣
河南司憲凡四檄辟之竟不赴延祐三年范陽夫人棄養權合
葬江陵六年挈家北還名動京師故西臺中丞張文忠公希孟
文章德業負一代重望時為禮部尚書見公著述大奇之日與
議論如故 舊命子惟健從之游錄公著述移文吏部仍騰
章上中書薦試館閣之職吏部以科舉方興不肯官儒士之由
他道進者為辭張洩三移文曰科舉所取皆時文宋某所述乃

科舉所未有乞移文翰林考覈用之竟不許張怒曰何天官泥
法之如是宋某豈終不用者邪七年英宗即位秋魁大都鄉試
至治元年廷對為天下第一賜進士及第宰相命京尹給儀衛
駟從導至所居寔自公始授翰林修撰承務郎同知制誥兼國
史院編修官預修仁廟實錄辭直而不俚時英廟製鹵簿舉親
祀禮翰苑製撰紛冗公初由甲科入館職雅為學士元文敏公
復初侍講表文清公伯長所知命公當筆者十七八公平昔記
問該洽才情精敏行詞務溫雅宏麗不敢苟簡毫髮加以都人
士及同年爭歆公文章公答應筆翰如流故是歲時文極多自
是士論翕然愈歸之明年冬安南國遣陪臣賴輔主等朝貢回

以本職充館伴使至武昌適重修晉庾亮南樓落成行省平章
某款公文記之然素不號尊賢禮士挾貴而重於致辭微使人
諷公啗以潤筆錢若干公艷然怒曰彼縱妄自尊大獨不能遣
一僚佐請邪遂不記公時雖居散地然動靜云為嚴毅方正有
識覘其罟局非淺者泰定元年春拜監察御史階承德郎公
念布衣叨恩驟進六品秩恒以報效自期至是盡忠論列不事
苛細按劾所言皆王綱國體逆賊迭失等雖伏誅其黨樞密副
使阿散身先殺逆後迺告變朝廷以功掩過恬不加罪公上疏
言其罪絕滅倫理 雖有莫大之功舉不足贖乞早正天討太
廟失仁宗神主盜久不獲公上疏言在法民間失盜應捕人等違

限不獲 猶且治罪乞重罰在京應捕官員及太常禮儀院官

中書宰執視事不常聚散無度日趨禁中有兼旬不至中堂者
僚佐曹掾恒不得同堂議政公上疏言其偷安苟容壅滯机務
刑政差池紀綱紊弛乞戒飭臣僚自非入直宿衛日期須今日
聚公府以決庶政俱未報在位僅閱月改國子監丞時晉王初
即位芝朶者皆推埋無知循悍豪橫無所於歸或百十為郡剽
劫殺人桓州道中事覺逮捕右相旭滅傑奏釋之戍北邊蒙古
千夫長使在京邸朱尚醫妻女儒道過邸門外千夫長及芝者
自車中白晝奪入朱泣訴宰相曲庇置不問民間憤怨會風烈
地震有旨集百官雜議弭灾之道公知名枚舉他事公獨言帖

失餘黨未盡誅仁宗神主未得桓州盜不治朱尚醫冤若莫伸
刑政失度昏弱之甚災異之見職此之由辭激氣憤涕淚橫集
衆俯不能答獨中書平章政事公撫按極稱之今朝行間有及
見之者是年冬進兵部員外郎奉議大夫國家幅員視古為廣
要荒州縣赴京師動涉萬里因定制四川雲南福建廣南西五
道三歲一遣官廉慎有幹局者詣所隸行者偕行臺監察御史
注擬三品以下官比奏聞降制勅先遣赴上是歲適當銓朝堂
久才公俾分典福建銓福建八路瘴癘少地富庶善闕什六七
或可以賄取公一以公道處之向任惡闕今優之善闕今補以
中下稱提銓擇過絕姦弊人法並用得黜陟宜二年還朝轉中

書左司都事奉政大夫今湖廣行者參知政事段轉由為太常
禮儀院判官奉堂帖發粟賑河間饑民多粟少段擅發歲餉
官馬馳芻粟鈔五百餘錠以足之宰相怒欲加罪公力言曰某
向由江浙還都道經河間民禡榆樹膚以食今猶可驗且民七
日不食則死河間去都徃返八百餘里比得請無及矣段能如
此是可褒者何罪之有衆善其說迺罷三年當大比之歲同考
試大都鄉貢舉人取士精當汴虜士吳炳彥揮有德業才學望
譽甚彰行省奉使司憲雖嘗俱以名聞至是公力薦奏以翰林
編修徵之時天下州郡存歲水旱行省及守臣徃々不暇稟命
于朝擅發廩粟先賑後聞宰相患之奏自今天下雖饑遠方州

郡果見餓莩方許權宜擅發其他雖饑而未死者不許勅準議
移咨行者主章掾李彥國英署牘至公之初不知愕然曰安得
有是如此則人皆懼擅發罪過饑須稟命始賑民盡死矣不可
入覆中堂宰相曰已得旨柰何公蹙頞慮久退謂彥曰茲事必
不可行欲覆奏則宰相不肯無已則有策汝能從乎彥曰謂何
公曰毋白宰相但尼是牘彥徐曰公官彥吏果罪廢格公重彥
輕公能負罪活天下民彥獨不能從乎但堂帖已錄是勅付御
史臺必已檄各道廉訪司如此則事必彰露且無益公曰吾
思有以處之退詣治書侍御史王士熙繼學陳其事王曰吾猶
能省臺檄各道廉訪司公牘已署未用印若論甚善吾亦為若

尼之遂果共尼其牘未幾有赦彥賀公曰可以免矣公一念忠
厚有陰德天其祐之耶公之為民不避禍也如此先是鬱林州
蠻寇作亂嘗命故將家子李其假兵部尚書從諸王帥兵討之
李在道納妾逗遛不進兵敗歸宰相猶欲巧庇為之改官公力
爭止之冬十二月十九日昏時俄中書遣人召公議事至則已
燭宰執以下皆在公不知何為平章政事烏伯都刺謂左司員
外郎胡某曰適所奉詔彙可令宋都事觀公始知明日欲降詔
赦蓋左相倒刺沙當國得君及右相塔失帖木兒是日同入朝
面奉旨作彙命中書奉行者大率謂自朕即位以來法祖畏天
故北藩叛王輯睦通好南荒酋長諸蠻夷酋長多降附入覲皆

天眷也然通者星孛地震列郡水潦將由愛民之心未普致上天垂戒耶抑或獄濫而淹延不決或累朝人嘗中獻諸物而未酬直或諸嘗有過為憲臺奪官欵復求錄用而不得是二者憤怨致然耶其大赦天下酬累朝獻物之直命中書省錄用自英廟至今為憲臺奪官者其餘前後得罪者非臺臣不得詰治其實皆倒刺沙姦邪罔上納賄要譽之計及烏伯都刺私議而共成之者公色變覆干宰執曰舊制草詔須翰林曾遣召否烏伯都刺曰無事翰林茲蓋兩相親草已經御覽有旨勿令衆知吾黨不敢文又不敢增損不過譯為華言而已毋復他論乙夜譯成宰執將起罷公前立抗論曰本雖漢人居末僚然享爵食祿

恒思報效有所管見不敢不陳嘗聞醫者曰人病脉不病易治脉病人不病難治以人譬國紀綱法度脉也安有朝廷降赦大臣不知之理此繫紀綱法度紀綱法度一亂是脉病也失今不治後不可療且即赦文言之尤有不可今警災異而畏獻物未酬直者憤怒此有司細故不宜上撓宸衷是乃王言宣布則必貽笑天下又云諸嘗有過為憲臺奪官者命中書錄用後復有奸邪贓穢者朝廷將治之邪置不問邪且自即位以來屢以仰遵世祖皇帝成憲形于詔旨不知世祖朝嘗錄用奪官者否豈非自悖前詔耶又云止錄用英廟至今奪官者既畏憤怒當均蒙錄用其在前後者何故不與本言果可采乞大人詳議明旦

同白兩相猶可及也公再三陳請辭情懇切諸相不能聽起罷
明日竟降詔赦數日公稱疾不出四年春將滿告當會試天下
進士中書強起公為考試官勉從之未踰月改禮部郎中朝列
大夫條上文獻事宜凡七曰國史院倣前代制度增撰志傳曰
改試國子生日選試國子正錄等職曰國子助教各治一經曰
各路設儒學博士用進士為之曰用會試終場下第進士為儒
學教官曰采錄天下士人所著之書分等第而用其人法度周
密條目備具時雖未暇舉行衆莫不嘆其言之善天曆元年文
宗即位冬十二月陞吏部侍郎中憲大夫職掌皆銓選錄用薦
擢封廕等事比者胥吏弊滋公素所聞知視事月餘條舉十餘

弊嚴禁約之衆稍為肅二年秋當大比禮部闕官堂帖以科
舉事重不敢失期命公攝禮部事閱月真授禮部侍郎中議大
夫不旬日天子躬置藝文監拜大監兼檢校書籍事東海魏運
舟至選三品清望官祀海神天妃南方命公函香幣偕翰林直
學士普顏實理往使常歲多憚遠涉往中途歸公徧歷閩浙
往返半歲三年恭上欽天統聖至德成功大文孝皇帝尊號奉
旨同奎章閣學士院承旨學士李洞書篆玉冊寶文禮成改元
至順進奎章閣學士院供奉學士亞中大夫時方修經世大典
撰分書局公纂述夏官政典凡若干卷編摩緻密事倍辭嚴孔
子父母已封啓聖王夫人獨鄆國夫人拜官氏猶仍舊號由

公建言降制加封為大成至聖文宣王夫人二年冬憲臺以公忠謹向居言路不久且無圭田之養俸薄清苦奏為河東山西道肅政廉訪司副使中大夫方治行改拜禮部尚書公嘗一為其部郎中一攝行部事仍留為侍郎凡制度典禮之事援引經史條例揆度事理物情剖決精允無漫滯礙命下僚佐胥吏皆喜其未三年復當大比行省及各處主試官但致書幣京師禮請館閣之職為鄉試考文官公隆厚其禮節敦請餞遣濟寧路總管徐某啖曲阜孔氏家長元祚檣撫龍封衍聖公微過上諸禮部公怒躬操符文責之曰衍聖公國家所重聖者子孫縱有過差亦當百世蒙宥元祚者正當修己齊家以德率下自然外內睦婣大小從化且所言之過假有實跡亦係赦前奉路輒聽其訟實傷風教未幾衍聖公薨公告諸省臺館閣咸遣使致賻奠禮四年正旦時大行皇帝上仙今天子未至將循故事舉行朝賀禮公曰朝賀為誰然天下不可一日無主止宜上表皇太后不可朝大明殿朝廷從而廢禮二月當會試天下進士中書命權停以俟新君即位四方士多貧不能久客以待成歆舍去公力請曰會試乃常事不奏題不廷對何以俟為且進士一舍去四方將以為廢科舉矣遂追用三月一日開試公實知貢舉初科舉條制有云天下選合格者三百人赴會試內取中選者百人槩言之也由前知舉官澆條制之文止憑赴會試數中三

取一故累舉中選者恒不及百沿龍至是舉會試進士亦不及三百公持論堅請取中選者百人實自公舉始六月今上即位上都八月還京九月廷試進士公又奉命充讀卷官自科舉之興兩榜第一甲只放一人公舉前代典故白宰執放三人亦自公陳請始會試廷試罷皇太后及上聞之皆喜各兩賜金幣寵勞亡何復降制無經筵官元統改元拜陝西諸道行御史臺治書御史疾未赴復留為奎章閣學士院承制學士仍兼經筵月九三進講公講解明坦陳告懇切上嘉納時降寵賚三年夏改集賢直學士太中大夫經筵官兼國子祭酒時公氣體已羸弱力疾視事稍間猶至監大槩一遵至元所定學規薦補

貢試教養之法間有微弛屢勉繩飭之冬疾有加寢不可救竟以十月二十五日薨享年五十四歲中書省御史臺率六曹各寺署及國子監致賻禮給喪葬朋舊同年洎西舉門生國子諸生哭祭柩前者十餘輩執紼者將二十人以年二月十九日壬申葬宛平縣香山鄉撥山原新卜之兆祖妣張妣李配王俱封范陽郡夫人子男一人誘女二壻杜儉尚執皆國子生惟公性高亢孤介尚氣不屈不與人苟合妄交遇事機警識見超卓幼貧且苦讀書績文務為古學致心悻氣海寒疾事父母孝弱冠以來凡為童子師者垂二十年獲束修以養三十猶不能娶不郵也操修端潔奮摧魏科敷歷華顯致位三品使天下稱頌不

帝不貽羞辱且累奉制書褒贈二代恒以考妣推葬南土為念
幼侍諸兄同筆硯怡膝下讓弟克敏席戶部公世賞為征官
教聚有成薦補兄子彊為國子生由侍儀舍人調安慶路桐城
縣尉京官俸薄猶時割祿米遺親族貧者交朋友厚或有干請
既諾必誠篤周致不遂必以誠告之不敢欺誕事不可為則徑
情荅之當官處事守正不徇故亦有不悅者人有一節善則極
口稱道居要路汲援引同年及名士尤喜延用後生才俊素
不善飲然遇燕會能談笑歌咏與衆歡洽人多親慕願交臨事
嘗思謹守法度不敢踰越視吏牘往親改竄若嘗練習然法
外意間有世俗所不能識者慮事周密務當理而可行視所當

為則勇往不知有推避巧術左司吏部實權要之地歛怨獲譴

宋顯夫挽詩

四海

名雁

廣陽

鶴齡

小足公處之談然

事及私居朋友辯

論雖勢軋其上情牽于左右公嚴厲抗辭略不少怵避衛道之
心甚切凡以儒立身或細行有未至公規戒彌縫不使世俗非
笑孔氏顏孟氏子孫凡為校官隸禮部銓擬或他事在所司曹
局中公見姓名既撫諭成就不使淹困連蹇一預鄉試一為會
試考官一知貢舉一充廷試讀卷官考校精覈不事雷同始終
維持勝處家事恒恐斯文之不崇重也性好著述會粹凡四十
卷以登科之年號至治集文章以氣為主貴立論尚微辭語

帝不貽羞辱且累奉制書褒贈二代恒以考妣權葬南土為念
幼侍諸兄同筆硯怡膝下讓弟克敏席戶部公世賞為征官
教聚有成薦補兄子彊為國子生由侍儀舍人調安慶路桐城
縣尉京官俸薄猶時割祿米遺親族貧者交朋友厚或有干請
既諾必誠篤周致不遂必以誠告之不敢欺誕事不可為則徑
情荅之當官處事守正不徇故亦有不悅者人有一節善則極
口稱道居要路汲援引同年及名士尤喜延用後生才俊素
不善飲然遇燕會能談笑歌咏與衆歡洽人多親慕願交臨事
嘗思謹守法度不敢踰越視吏牘往親改竄若嘗練習然法
外意間有世俗所不能識者慮事周密務當理而可行視所當

為則勇往不知有推避巧術左司吏部實權要之地歛怨獲譴

易處公廉貧自守防閑有道人恒告不足公處之談然

之心重頗好直言正色當公府議大政事及私居朋友辯

論雖勢軋其上情牽于左右公嚴厲抗辭略不少怵避衛道之

心甚切凡以儒立身或細行有未至公規戒彌縫不使世俗非

笑孔氏顏孟氏子孫凡為校官隸禮部銓擬或他事在所司曹

局中公見姓名既撫諭成就不使淹困連蹇一預鄉試一為會

試考官一知貢舉一充廷試讀卷考官考校精覈不事雷同始終

維持勝處家事恒恐斯文之不崇重也性好著述會粹凡四十

卷以登科之年號至治集文章以氣為主貴立論尚微辭語

典麗豐碩溫厚峭健各得其宜尤嗜駢儷樂府常惠二者絕學
規、然必以中繩墨諧律度為念而不失雄渾寓南中時自號
江漢羈僇性樂水及漁又號垂綸亭主人嗚呼公氣稟清淑學
得心傳成立跟辛蘊抱不淺夫何位沮于壽設施不終奚止私
憾于一門實士大夫所共惜顧其操行履歷立功立言賴同朝
公卿所共聞見然聚在同胞中澁之久而知之詳誠不敢溢美
竊譽獲罪公論謹狀公行述率孤哀子誘再拜乞銘惟大手筆
矜念情誼勉副懇託辱賜之又以光幽潛則存歿不勝哀感元
統三年正月日弟翰林修撰聚謹狀

傳

王猩子傳

河南王某至元間泛鄉人五六輩商于海表始踰嶺溝疾他商
以道路故無良醫藥不即治欲偕行則海俗病者不得居船上
群議棄王山谷間遺米斗許洎炊具俾自飪粥嗚曰幸萬一愈
即晨夜倍道尚冀追及吾輩故逗遛以俟若、無憂五日不至
期七日許以登船毋來追語已舍去山荒惡寥闌無居人平人
殆不可一日處矧王病罷憊不能爨欲扶掖起爨又不得火餓
垂絕有群猩來數、闔視一乳猩掇果實以進蚤暮存問撫視
如人然自是餘猩皆不顧唯是猩如初閱月王以不火食得差
歆追前商迷失道且過期不能及猶豫久之猩來挑歆與之交

王慮不從恐召其類來加害強從之生一男子將孑然歸猩不許逃又不可後三年他商返曰必道王病所母相信也諒已物故當收骨歸其妻至則故無恙仍視舊神氣有加各相勞苦流涕嗚咽不自勝既而喜指猩子示衆且道其由遂設詐避猩挈子取他道出還王鄉里尋卒無子猩子嗣今居某里世業脂粉治生形貌禮法無異年若干娶某氏又有子至治元年子來南聞之淮東府史洪濤聞之彭城賈氏子且嘗見之王氏父子名不書諱之也論日記禮者曰猩：能言不離走獸人自人獸自獸可與之偶乎王氏不得已也彼徃亂之王迫辱姬媵令與羝犬交視其生子何如者獨何心歟古所謂無外家者猩子殆似之然王族賴此以祀傷哉

劉廷讓傳

廷讓武平人父祥卿典史永平之遷安縣滿秩兄喪遽去還鄉里留廷讓母子縣中戊辰之變九月六日東兵奪瑞州遷民鎮將西掠北平漁陽人洶湧逃死無所讓家素儉無孳畜車牛母王良家子步不喜遠妻姜且病毋弟及一兒皆嬰孺廷讓窘迫惶懼顧念闔門坐視死出走中途不幸遇兵亦死等死出走猶覲幸萬一免死迺奉王出走姜狼狽強隨行讓左抱兒右扶持王負劍其弟以行久之王困憊曰痴幼為累枉被剽劫盍舍之讓從而棄兒道側襁負弟王遂獲倍道兼進同伏匿山中竟

與俱免兵退業已無所於詢棄兒存亡始長嶺峯村民高甲偶見棄兒持去至是訪還縣人感孝義報施之道白令荆鳳舉以事聞朝廷旌而復之讓字守謙避兵時年十八論曰人孰不曰讓是舉方伯道竊有訖烏度不兩全而舍己子固同攸則出已見能自斷待王論而始然讓以母故義不容棄弟已死苟狼戾不顧以思掩義棄綏存兒世亦末如之何而攸當時興言及彼此亦攸視讓為難讓雖未達前史徽纒之戒寘諸道路幸有生理亦顛沛之仁亡存失道天豈負焉此千載而下愈重攸過也毋王視其子之棄孫亦忍哉

張才子傳

才子諱惟賢字仲容河南鞏縣人江浙行省參政效中之子性超朗俊邁有崖岸孤介寡諧恃才不妄交初名魯父兄更今諱以廓其量稍知學即苦吟博覽強記百代之言悉以為詩知所宗尚沂流晉宋齊梁間富麗清婉則主唐慕李商隱效之音節風調肖似搜抉研揣曲盡思致必游心冥漠前剔疵類然後已毫髮不憚不肯示人故句律意度不覓流輩罕及作字遒勁有法善行草從親宦遊教徃來湖湘浙樂佳山水嗜奇勝師錢塘金蘭室得名士則不忍舍去所與游者沂則徵士太史吳炳江夏則文學博士吳陟延祐末京師太學生六館生不下四五百才子每預月試賦有錚錚聲時文治日熙海內學士大夫雲集

輦下才子締交愈不苟篤契誼者僅數人執政王公繼學儀曹
馬公伯庸名鑒裁當世咸器重才子新製一出噴噴不置口才
子亦不自矜或拉其投謁輒感額掉臂去不事容悅苟合流俗
莫之知久之應鄉貢進士舉不中游吳中親且老而急其仕屬
河南憲府辟為掾勉赴之使以下咸禮敬不以吏待泰定元年
入補家令司令史未幾轉禮部令史才子素以清簡自處而寺
署曹局猥冗叢脞接撓敗人興趣每忽忽不樂且少讀書致
心疾居常瘦重以不得志於科名恥操簡牘事公府恒促
自憤恚形於篇章竟以是病卒年二十九實泰定丙寅也嗚呼
以斯人而斯壽斯位天乎惜哉兄惟敏字孟功清慎能官今佐
汴省幕府才名在工詩弟惟則字李通聰穎亦早世才子娶趙
氏遺腹子某集若干卷藏于家論曰詩三百篇後極盛于唐中
州江左率昧趨嚮本朝作者固夥而才子能知所主亦卓越不
群矣前代設草澤文詞清麗等科人才間由是進使才子生斯
時取高第必易也豈復歎其不長彼以綴緝進躡清望授以
筆札他無所能徒睢盱愴恍自失其視才子賢不肖為何如噫
古所謂名者在此而不在彼才子之名其可謂稱情也夫

跋

書揮涕集後

揮涕集一帙凡五卷抗於潛謝君克章錄其所自為大母考妣

壙誌祝文洎哭二弟詩及一時才大夫士所作哀辭挽章思親堂罔極庵記若銘詩題詠也觀是編知其人孝弟且賢矣哉其大母止於延祐丁巳考妣二弟繼歿於其間距今至元丁丑纔廿一年凡五喪矣予不幸畧與之同予生十四歲當大德丁未先考尚書府君棄諸孤至大辛亥遠夫兄廢息州監稅客死官所延祐丙辰先妣范陽郡夫人去世次兄弘夫長兄敬夫以庚申卒酉相踵物故元統甲戌先兄祭酒正獻公又薨皆同胞也嗚呼克章之悲之思我則知之矣詩云他人有心予忖度之第未能如克章暴其悲思之心於是編為可媿也

廷對貼黃引

皇慶二年仁宗皇帝詔天下以科舉取士又明年為延祐二年乙卯得士五十六人五年戊午得士五十人七年庚申仁廟賓天英宗即位詔科舉仍舊制時臣先兄國子祭酒謚正獻臣本洎臣聚預大都鄉貢故陝西行臺中丞謚文忠臣張養浩時為禮部尚書實授知烏臣因獲遍閱乙卯戊午丙科進士程文之在掌固者卷牘委積歷腐將半惟乙卯科進士廷對騰錄卷首有讀卷官考第甲乙語文將竣乙覽所僅存者凡二十九帖護都尚兒等二十七卷迺集賢學士臣趙孟頫所批張起巖許有壬二卷則翰林侍講學士謚文敏臣元明善筆也臣私取藏于家二十年矣亞中大夫臣何鏞為之裝潢成軸臣惟當時之盛

典文臣之名筆宜寶惜之昭示悠久後將有所徵云至元四年秋九月奉直大夫監察御史臣宋聚惶恐頓首謹識

跋李重山家藏坡帖二幅

允後事始焉因民之所利而利之既成與民同樂此有民社者說以使民忘其勞之善政也借船之帖見之士大夫立身行己果無媿當世暫被左貶人定勝天付過之帖惜未免畧露戚戚若夫翰墨之妙當俟識者鑒諸

書白菴庵記後

近代孝子喪親率廬于墓所朝夕守視不忍舍去亦不死其親之義皆思亭後塵在大賢何足以臧然文人勝士徃筆之於書用敦薄俗尚有所興起其善豈小補哉詩曰孝子不匱永錫爾類其是之謂乎

書進士題名石刻後

穎川趙君伯器典簿國子監日榻七舉進士題名石刻裝潢各成帙科求一人書其後亦賢者好事之一端也我國家自仁廟睿謨獨斷力興斯文以科目取士累朝繼之起延祐乙卯迄元統癸酉凡七科乙亥暫停後至元庚辰詔復舊制嗚呼興也停也終之復也人乎天耶伯器殆必有說至正癸未四月跋

跋北山遊紀後

國子博士金華吳正傳出詩文一篇曰北山遊紀蓋其鄉人處

士金履祥吉甫許謙益之故翰林待制柳貫道傳今江浙提學
黃縉晉卿編修胡朏履信某官葉審言張樞子長釋無一及正
傳前後遊金華北山之所作也諸君子以秀爽之資及宴間之
時騁遊覽之樂播賦咏之工披誦之餘敬羨不能已且恨予之
不能及也予行天下見山固多始生于歸州之屬邑曰興山興
山在萬山中少長于鄂于荆壯歲遊朗澧湖湘延祐己未自南
中還燕下大江亂淮沂河達京師筮仕後數被命出使道齊魯
趙衛之郊次歷會稽四明溫台括蒼由蘭溪過衢信踰閩嶺抵
漳泉泛烏繼而靳黃同安之隨邗峽均房諸州郡皆嘗至赴西
臺幕職驛過成臯北芒臨潼歸途走商鄧間道最所見大則五
嶽之華亞烏者居庸太行終南太白藍田武關天台雁蕩廬潛
九華武當荆山南條大別之屬洞庭之君山九江之東陵任城
之鳧繹濟南之鵲華不注也雖然大率匪舟則騎或乘筍輿皆
匆遽造次之頃涉獵經過其形勢恣態雄固峭拔蜿蜒起伏晦
明隱見秀麗明潤者固見矣然未之遊焉慨念跋涉之勞未嘗
得以歌詩見于紀述蓋予資庸鈍而職奔走求如諸君子遊覽
之樂賦咏之工則未有也是愈重予敬羨之念然予身雖勞而
所見多諸君子遊雖止北山固樂較其得失殆若不相懸者歟
始予雖不獲預是遊觀其紀述模寫殆盡歷如在目前是亦預
也是則正傳固未嘗以遊夸予而且以遊之樂見及又幸予固

有以酬之去歲秋天子幸上京還予備員小司成偕正傳恭迓
乘輿于昌平馬上指點南口諸峯巒脉絳蟬聯盤結維軸限隔
風氣屏障神臯相與噴予喜其襟度目力殊高亢卓朗他日
歸以告北山諸君子計必能如予之想像羨北山之遊之樂
至正癸未五月日跋

跋孫履齋周益公二帖

廬陵孫義方以宋相周益公與其高王父履齋論修後漢三國
史徃復翰墨見示益履齋之請急於正名分扶綱常非迂泛強
聒者益公辭之篤乃深知其事之不易而慎重之歟今年夏四
月宰相以遼宋金三史未有成書上聞聖天子命大臣碩儒總
裁其事擇文臣四十人分局纂修聚叨預其一因臆度益公之
辭之所以然予既喜今之平園克負斯文重任又竊自欣幸獲
執斧鋸以聽梓人之指使已乃復愧撲鈍不文若聚者亦冒昧
秉筆豈不畏南董之鬼笑人邪或謂予曰君家錦半臂安在至
正癸未冬十月第四局史官國子司業宋聚書

跋宋上舍李文剛誥勅二道廬陵人

李上舍釋褐乃徽宗罷科目以三舍法取士時也前宋文舉得
人於斯極盛然或有病其濫者上舍由邑簿改差州學教授其
有聲於時者歟迄今二百餘年孫子存懼兵燹能保其告身以
傳于後亦賢也夫

告身政和五年

康州教授李文剛告身以時考之尚

書諸臣署銜乃蔡京何執中侯蒙薛昂也政和六年太師魯國公蔡少師太宰
何尚書左丞侯

揚侍郎以太玄準易法言準魯論而劇秦美新君子病之柳
州作南睢陽碑用駢儷語紫陽夫子謂子厚非不能古文特作
劇爾河東孟君天暉延祐間為曹監生明敏英妙質美而行懿
由鄉舉得解從事臬司憲部掾樞府進中書西曹及今典國子
監簿二十年間讀書不廢亦賢矣哉嘗擬先秦西漢諸作摹倣
工緻大丈夫士皆與之然遊戲翰墨殆若作劇者其志則子雲也
嗚呼文以載道之大原出於天其傳則由堯舜迄孟軻氏
先儒稱孟子文章不可及道之傳也天暉進道與文其必學孟

子之歸而求之有餘師秦漢云乎哉

跋艾氏策

臨川艾蜚英十策皆正大周密藿食憂世孰不迂之然士為世
慮不為身謀雖扣閤無從是則可尚比者以才名辟椽公府獲
轉而上聞庶行其言不徒罷神苦心也昔予先兄集賢正獻公
識其兄伯蒼於延祐之季嘗題其文稿曰空言者今予復書是
策之末固已美伯仲負有用之學而尤愧謗劣之辭不能如正
獻之序空言之蘊奧精切也

燕石集卷第十五終

燕石集附錄

謚議

議曰京師乃天下首善之地科目為士人啓行之途故文治之
化自近者始比貢舉之法行大都宋本遂冠多士弟襲又以甲
科進名字昭於字內聲譽藹于京師或比之宋之郊祁烏兄弟
接武於館閣時人榮之襲為人謹息持正於學考索精詣其為
文剴切爾雅以至監察中臺贊憲陝右僉事山南其於風紀多
所振舉甫至通輒損其年雅行游揚於方未尊名壹惠於今
日按謚法博聞多見曰文居官潔止曰清謚曰文清實愜輿論

墓誌

集賢侍講學士兼國子祭酒蘓天爵撰

宋氏世家京師公諱聚字顯夫由進士出身卒官翰林直學士
亞中大夫知制誥同修國史兼經筵官葬宛平縣香山鄉塢山
原衡州路安仁縣尹贈戶部尚書楨之子禮部尚書奎章閣承
制學士謚正獻本之弟母曰范陽郡夫人李氏至元甲午戶部
主興山簿公生邑中稍長流落江漢間綴學勤苦戶部為小官
祿薄公兄弟授徒以為養皇慶初貢舉詔下始習經義策問延
祐六年挾其所作歌詩芝正獻來京師清河元公明善濟南張
公養浩東平蔡公文淵王公士熙方以文學顯於朝見伯仲驚
嘆以為異人 爭尉薦之會蔡公王公試大都鄉貢士正獻名

冠第一公文亦在選中以解額不足而止又二年汶陽曹公元
用蜀郡庠公集南陽李朮魯公紳為考官公遂擢第除秘書監
校書郎安南使者朝貢而歸選公充館伴使將別使者以金為
贖公却之改翰林國史院編修官詹事院立選為照磨尋辟御
史臺掾辭轉大禧宗禋院照磨元統初遷翰林修撰與修天曆
實錄承詔祀天妃于閩海登舟風作舟人皆懼公曰吾奉天子
命函香致虔以海漕為禱又何懼為頃之風息竣事而還復號
至元之三年拜監察御史時災異並臻公言列聖臨御治安百年
皇上繼統未聞過舉今一歲之內日月薄蝕星文乖相正月元
日千步廊火六月河朔大水泛濫城郭八月京師地震毀落宗

廟殿壁震驚神靈豈朝政未修民瘼未愈災殫所致然歟宜集大臣講求之道務施實惠勿尚虛文庶可上答天譴下遂民生臺臣以聞上命中書集議弊政詔天下京畿之東霖雨傷稼餓殍盈路公按行見之倡言其故朝廷出鈔若干萬貫命公賑之生者不致於流亡公之力也出僉山南廉訪司事峽州房陵屬邑在萬山中公不憚崎嶇雖盛夏冒霧露毒昏身歷之唯以洗冤澤物為心宜城民與富豪爭刈麥共毆而死乃賂縣吏俾一人承之公得其情坐吏及共毆者罪安陸寡婦有罪自輕或疑其夫兄及妹婿殺之屍爛已不可驗遂皆誣服始則曰以寡婦私逸用棠木杖擊死棄尸溝中次則用山桑及栗木擊之而死

公疑用杖不同乃曰寡婦之骨得無損乎命他官發墓驗之而寡婦尚以繩繫其頸於是破械出二人獄國制獲盜五人者得官應山民被劫巡徼執五人坐之以異官賞獄具公疑而訊之果皆良民而巡徼以罪免非公之明五人者死獄中矣是皆司刑者辭避而不肯為公一一能直其冤人大之嗚呼世以儒者迂濶于事情濡滯于時務常鄙薄之彼則舞文法以肆苛刻專逢迎以為變通孰有惻怛愛民如公者乎至正之初改陝西行臺都事月餘召拜翰林待制遷國子司業勅修遼金宋史公分纂宋高宗紀及選舉志書成起拜翰林直學士賜白金五十兩織金文綺四端尋又命兼經筵講說明白屢承恩賜縉紳

以為榮公學務博尤喜為詩自少敏悟出語驚人嘗曰造語引
事皆當出唐以前不然則非唐矣有文號燕石集若干卷集選
本朝歌詩曰妙品上曰名家曰賞音曰情境超詣曰才情等
集又若干卷齊魯號稱多士公兩被命考其鄉貢又嘗為廷試
讀卷官選擇精詳士論推服其在風紀薦士在衆溲州孝子段
懋父歿執喪哀苦廬墓三年不歸負土築墳寒暑不懈公核實
其行遂旌異其門閭人託寅者少侍父官家隨屏居讀書不事
進取荆襄士多稱譽之公表其于朝果微用焉公性樂易家雖
甚貧待親友無所靳當官有守或上官同列事不合義言不中
度雖迫之以聲勢怵之以禍福公毅然操持不變是則公伯仲

家庭講學之功抑亦國家庠序養士之所致歟公享年五十有
三卒以至正六年三月甲午葬以是月庚子贈

大夫國子祭

酒輕車都尉范陽郡侯謚文清娶劉氏封京兆郡夫人二子顓
顓補弟子負六女在室公先世墳墓在京師故城南宜泉村原
戶部僑葬江陵正獻始兆樞山公將遷戶部樞北歸以貧不克
疾革猶以為言公塋猶子中書掾曠序次行事來請銘天爵昔
官朝著公及正獻休旬數過吾家或論文史或評古今孰意二
公皆以盛年相繼去世然則銘公之墓非故人之責歟銘曰仁
皇御極天下文明崇儒稽古多士斯興惟公伯仲時稱二宋出
應明時祥麟威鳳憲臺秘府詞林辟雍優游清華論議從容士

貴多聞尤貴絕識操之有要斯能不忒公居官守事不詭隨号
号其節抑其儀天生賢才惟以治世胡不百年為三有事泊
乎委順歸寧故丘咨爾後人尚承公休

祭文

南陽成誼叔撰

維至正六年歲次丙戌十月乙亥朔越九日癸未承德郎陝西
等處行中書省左右司員外郎成遵托友人應奉翰林文字王
儀謹以清酌庶羞之奠致祭于亡友翰林直學士亞中大夫知
制誥同修國史兼經筵官宋公之靈嗚呼我昔計偕獨遊京國
孑然小子孰依孰式薦名禮部獲拜主文 覲私室始與公親

公貴我賤公長我穉忘勢忘年義敦兄弟史局載筆夕歸晨集
抵掌笑談聯鑣接席忘情爾汝或怒或嬉討論世故切摩詩書
我往供奉公拜御史官雖異署居則密通晨興執轡必告所之
過墻濁醪自公退歸匪無朋遊好我實厚子呼伯叔婦稱先後
處己以謙應世以和變化疎率益我良多僉憲荆楚繾綣言別
思公不見一日三月內翰再召轉教成均我忝臺省曹務紛紜
會見有時猶恨契濶跡雖暫疎情實莫奪我車出京公直鑿釜坡
聞公榮貴踴躍歡歌今年之春寄我締綌展玩書詞非公手迹
恠問來使來怎未瘳豈期一卧逝去莫留公書滿箱晨夕繙閱
不覩顏采徒增哽咽公言銘心時猶在耳後會有期孰信公死

倏爾如夢十五踰年而兒孩童今齊父肩太史有傳奉常有謚
遺憾公撫余哀未既嗟不執紼永思舊好北望沈淵內為京牧
酒為京釀情則故人神其監諒尚饗

哀辭

國子典簿河東孟昉天暉

藐：宋君家世燕里伯仲登科序掌國史頡頑中外適為直指
後先國學再遷學士二十年餘寵賁金紫人誰不死如君少
生不為殤死不為夭有子而文克紹厥考名譽軒：得之又蚤
恩覃二代光被子宦老氏有言死而不朽不朽伊何是之謂壽
君學之博不窮其叩出言有章錦囊口造物何仇云胡不久
况君之負青年有聲衆皆謂君禹門之鯨挾藝射策部步遜兄
遨遊江淮南抵于衡公舟匡廬以挾其靈以鼓其氣以礪其缺
再駕力攻一戰而捷譬如養由援弓看鞞百步之遙貫彼揚葉
由是而後聲華藉將天藻試草北堂天不文祐奪此賢良
予在閩南聞君之喪再三其實泣涕浪：作此哀歌以慰其傷
取酒遙奠永懷不忘

挽詩

翰林學士承旨濟南張起巖夢臣

生平文藻吐雲烟一夕精魂便黯然方喜聯鑣呈信史俄驚回首
隔黃泉淒涼東壁圖書府寂莫西原草樹阡二宋聲名擅當

日士林應有後人傳

翰林侍講學士東 李好文惟中

四海人傳二宋名玉京連占兩科榮
鄖陵初喜知公字長樂終
思送我行故里經過人不在遺孤問訊淚如傾
荒墳數尺西山
下一段平蕪綠又生
誠夫兄弟皇慶中嘗與先大人相遇鄖陵
逆旅始相知至正乙酉好文西行顯夫賦
長樂坡詩見送乃絕筆也故及之

國子司業東昌司廩彥恭

二宋登科友二司同年聯事每相資
兩家顯達人多慕十載凋
零我獨悲蓮燭花明曾試草錦袍塵暗漫留詩
夢君忽作吞聲
哭老屋空梁

河南行者參政太原王守誠君實

世上思聯壁人間惜桂林詩中無敵手
琴裡少知音隴樹風聲
慘庭秋月影沉白頭同輩友把筆更酸心

平樂府達魯花赤完迤溥化淵道

雲擁青驪錦繡鞍芙蓉仙去海漫人
間不殉黃金椀

天上交情

隔窗得哀詩投淚看

中書右司郎中閔西趙公諒允昇

志在淵源學名登甲子科人才方若此
天命遽如何勿藥喜安
在東芻憂愈多英風空想像薤露忽聞歌
匣失剗犀劍機閒織

錦枝一編燕石集欲覽淚滂沱

國子助教汴人段天祐吉甫二首

龍飛天子孝廉科不柰君家二妙何一代文章今已矣同年兄弟苦無多秋風神道悽松柏夜兩精廬黯薜蘿俛仰交遊非舊昔淚痕洒遍海橋波

猶憶錢塘去歲時書來珍重復題詩誰知萬里相思字却是同年永訣辭憐我更知如鮑叔絕弦端欲為鍾期不憂世澤無傳業者取階前玉樹枝

國子司業東郡楚惟善寶臣

翩：風旆挽難留天上新成白玉樓大宋生前還有約斯文地

下擬前修翰林赫：名空在宰樹蕭：歲又秋倒屣迎門記相待欲題詩句淚先流

國子監丞汝陰李黼子威

松廳交契半成塵又見鑿坡夫此君只意遠恢先世業豈期中斷立朝勲僅餘名位傳遺息無補飢寒有古文 難兄詩侶在滿山明月兩孤墳

國子助教南城江有禮學庭二首

暫輟趨朝佩俄聞引墓輅眉猶在目魂魄竟難招 奎躔合頻驚玉樹凋淒風吹露雨向晚更蕭： 前日賓亭宴今晨奠几觴死生公自達存歿世徒傷松竹清貧

在芝蘭白晝長
西山林影合
幾度立斜陽

國子助教長沙周鏜以聲二首

早擅文名翰墨場
共推才調似班揚
草麻獨照金蓮炬
衣綉曾飛白簡霜
塵世不堪留玉佩
星宮久待醉瓊漿
鞭鸞駕鳳今何處
蓬島三山渺茫

辛勤不肯問田廬
一世清貧只自如
楚國秋深猶有賦
茂陵病後更無書
幾年通籍踰青瑣
今日招魂戀素車
忍聽悲風哀此苦
白楊蕭颯滿郊墟

國子博士安成劉聞庭

廣陽帝王都
生才總豪傑
宋氏產鳳毛
頴頑丹山穴
大宋拔倫

魁千里誇汗血
挺廟具自方稷
與高小宋踵而生
抱才不
屑錦腸浣塵土
出語必清絕
長公蚤厭世
士類增哽咽
賴有夫子賢
詞林紹風烈
吹篪發高響
掉鞅追往哲
特起步生雲
屢空心如鉄炭
柱下冠皇使
者節歸弘虎闈
講進造玉堂
列自我初識君
交情何茂悅
往來幾廿載
相視無冷熱
昨者纂三史
君名班馬揭
走也微自南
斐焉承乏缺
停觴話宿昔
握手驚老拙
知君衆人中
於我念常切
過江宋史繁
綱領君獨挈
是非有不齊
資君一言決
可憐朱墨煩
易致精力竭
蹉跎齒未暮
浩蕩髯已雪
偶成三日潤
忽報二豎孽
問安榻頻造
伏枕氣就茶
朝看戲彩郎
日夕擁衰經
哀浮世夢奚
翅劍首快人
生無萬

全賦予有更迭古來賢達士幾人享期耄想君乘雲氣英爽不
變滅往見九泉誰能久離別

國子博士晉寧張翥仲舉

永念賢昆弟魏科接武初聯飛阿閣鳳繼化北溟魚挺特俱人
傑淪亡逐鬼墟官同三品貴年亦五旬餘二老深知我平生每
過譽叨陪國子教漫筮史臣除公既當詞筆時兼纂宋書文章
古南董獻納漢嚴徐鵠立親經帷龍光暎直廬勲名宜遠大身
世竟空虛鰲禁春華斷鴿原宿草踈故人已矣諸子喜森如
墓有碑堪述家無業可居招魂室悵望回首重欷歔往事嗟何
及孤懷黯莫攄幾番梁月夢鶻起淚沾裾

翰林編修嚴陵方道聲以愚

玉堂無漫聽鳴珂銀燭揮毫思若何司馬史成心力盡杜陵詩
苦肺痰多新墳冉々迷燕草蘼夢悠々落楚波久擬共章招宋
玉秋風灑淚不成歌

宣政院勾管番陽黃帝仲明

大雅如雲散斯文竟陸沉風流相代盡涕淚欲難禁憶昔興賢
俊知恂必迪忱六經尊孔孟百行首騫參盛德人無間名家衆
所欽發祥維朔土振藻自荆岑小宋科名大尚書世澤深二龍
江表萬馬異群瘡曳履趨東觀抽毫侍禁林力辭三語掾不
受四知金斂起司邦直由來實國琛漢廷災異疏唐宸儉慈箴

綜核先名實旌誅靡僭媯輶車方肅，驛召已駸，北院旋起
拜西膠祇暫臨百年興禮樂四海萃纓簪周監資先代唐書界
嗣音才名班馬輩筆削聖賢心侍婢然椽燭中官給綺衾屢前
宣室席小却玉堂陰述作皆稽古訐謨必達今藁詩心款嘔橐
筆力猶任消渴三年久膏肓一豎侵應劭嗟鬼錄微獻悼人琴
永決香山路悲歌易水潯罷朝爭出祖遮道停來歌賦子初漫
刺他年屢款襟蹉跎双白髮契濶幾清礎把臂何嗟及為歡豈
重尋經過舊遊地惟有柏森森

集賢院經歷武威余闕廷心

紫陌曙蒼茫松門近太行悲笳翼蜃軸素綬引魚荒故筆誰探
取神書永共藏愁尋持橐地秋陰結女牀

國子助教汴人張禎約中

東嶠旂暘谷虞淵納賓泛風雲既倏忽瓊瑰叶宵夢瑤池寶瑟
徹阿閣羽衣送密召趨金鑿清標狎麟鳳班馬聯赫奕郊祁等
淵重遺文照奎壁逸駕推伯仲丹旒出神州玄都載輿頌徽音
忽如在中夜發深慟

監察御史大寧王時本中 二首

憶昔同年日君才獨擅場方期綿壽考不擬報淪亡有子堪承
業無錢事奉衰夕陽射丹旒讀罷淚浪浪
二宋昭前代于今漫見之清明威鳳瑞大雅鶴鶴詩執紼諸生

慟承家幼子悲濡毫款銘墓嗚咽不能辭

廣德路知事吳興張世昌安國

壯歲高科接踵登有才無命弟如兄經綸未展生平學筆削空
垂後世名風采素稱真御史範模咸仰舊司成路人聞訃猶傷
惋况我斯文骨肉情

應奉翰林文字天台林希元希元

二宋才名世盡聞兄亡列弟重憐禁林使少人當制寓館空
名客乞文獨倚古槐悲舊馬未生春夢望新墳燕人縱有能攀
桂不及先生思出群

錢唐謝閏克章

伯逝人皆嘆公亡世益憐生平双白壁身後一青氈業尚能傳
子天胡不假年相看知己少把筆遂淒然

湖廣行省理問所知事宜春胡震亨

相別都門值病時豈知千古見無期經筵講罷無洪邁史館書
成有宋祁伯仲科名同介壽子孫世業共聞詩西山萬仞空埋
玉楚些無由酌所思

翰林編修鈔納錫敬之二首

磊落金閨彥昂藏松柏姿豈期年未永驚颺瘁之風雅遡淵
源莊途力驅馳鏗鏘發吟咏滂沛吐文詞五采如孤鳳羽翼常
歲麤性靈解詔音傑出感多儀吁嗟命靡常稅賀蒼陲_山霜露

玄廬宿草漸披離思之難為懷攬涕動深悲擬子招魂篇亂以
高里詩

弱齡抱殊才雁塔蚤題名枕經追往昔 道啓後英詞翰時煒
燁簪履日崢嶸政爾歷臺閣奄忽歸玉京結轡玄泉道息駕
山塋此年復何年長逝隔音聲蕭蕭白揚寂哀哀幽鳥鳴愴惻
霑霏 寥落衆為情出宿重冥曲大暮邈難明漫擬薤露歌泣
淚徒沾纓

附錄終

右燕石集十五卷近刊于浙西學官今廣陽宋俊民先大夫文
清公所作也文清公登泰定甲子科實始出入詞林踐歷風紀
適逢明良之時昇平之世故其詩文發于言者和平而敦厚詞
簡而不迫不及見文清公者讀其詩文可知也之權生也晚不
及見至正庚寅夏四月訪許令于勤暇日遊湖心寺見公題于
壁間嘗記一聯云天上仙槎來八月海邊賈舶去三韓和者僅
一二河南段應奉吏人屈某也其時之權不揣狂斐輒亦奉和
云賀家池上小蓬山面水軒窓十二闌采鳳來巢阿閣近老龍
出聽貝宮寒此行跋涉因尋戴前輩流風未識韓賴有銀鈞聯
素壁自憐淶水和應難但今集中海作雲賈作高意鏤板時又

自竄改爾之權每聞鉅公名鄉一諾言一舉措必銘于心寸楮
集字必藏于筍如文清公之詩距今二十餘年言猶在耳况何
幸見全壁歟初此集刊于浙俊民在燕隔濶數千里求之而弗
得會調官之浙東道由乎其間又以應期不果比以捧表回自
京師始得烏嗚呼昔文清公自名燕石者謂人弗以為寶自以
為寶也且執法建言俾刊示天下是舉世為寶也世以為寶為
子孫者可弗寶乎吾嘉俊民之用心在奔走之中必汲汲求之
寶而藏之其能紹先人之志以慰泉下之心是可紀述洪武辛
亥十二月十有三日武義何之權識

余少時獲芝先生長者遊聞其道中原文獻之盛未嘗不以宋
正獻公文清公為稱首心常自念以謂雖生處窮僻不獲廁弟
子員受業兩公兄弟之間幸而獲誦其文亦可矣其後正獻之
文徃見之而猶未見其全集而文清之文則至于今猶未之
見也今年秋文清之子俊民以武義稅副權稅永康余見之學
官俊民手尊父文集曰燕石集者示予蓋此集刊臨安學官久
矣俊民以使事過而得之且手錄此本奉而置之篋橐所至必
與之俱余既獲觀此集因私自喜幸得讐其平生所以慕教于
公者而惜此集流布未遠而學者傳誦者尚少乃請于俊民俾
學官弟子繕寫一帙藏于學官公之起家正當至治泰定極治
之時故其文渾雄爾雅簡潔而偉健蓋所謂鳴太平之盛者學

者得而誦之亦可以慨然而興起矣俊民寶持此集如奉弘璧
琬琰未嘗少須更有怠忽之心可謂不忘其親者哉而俊民居
官以刻苦自持所至行李被襮外惟此集而已茲其所以能世
其業者非徒能守其父之遺文而已也嗚呼是可謂之能子
者哉繕寫既畢因書于卷末以示學者并識于俊民錄本之後
而歸之洪武戊午十有一月朔日永康呂熒謹識

